



**ODA E AVOKATËVE TË KOSOVËS
ADVOKATSKA KOMORA KOSOVA
KOSOVA BAR ASSOCIATION**

Në bazë të nenit 21. par. 1 dhe 41, par. 3 pika 3 e Ligjit nr. 04/L-193 për avokatinë “Gazeta zyrtare e Republikës së Kosovës” nr. 20 të dt. 31 maj 2013, Kuvendi i Odës së Avokatëve të Kosovës në Prishtinë, në seancën e dt. 20.12.2014, bie këtë

R R E G U L L O R E

PËR TARIFEN E AVOKATËVE

I. DISPOZITAT E PËRGJITHSHME

Neni 1.

Me këtë Rregullore përcaktohen pagesat e honorarit dhe kompensimin e shpenzimeve për punën e avokatëve.

Neni 2.

Kur avokati punën e kryen jashtë vendit, mundet që shpërblimin dhe kompensimin e shpenzimeve të e inkasojë sipas tarifës së avokatëve të atij vendi.

Kur avokati kryen punë për subjektin e huaj fizik apo juridik, mundet që shpërblimin dhe kompensimin e shpenzimeve t'i kryejë sipas kësaj Rregullore apo sipas dispozitave respektive të avokatëve të vendit prej nga e ka origjinën subjekti për të cilin avokati e kryen punën.

Dispozitat për pagesat e honorarit dhe kompensimin e shpenzimeve për punën e avokatëve të vendit të huaj mund të aplikohen edhe te subjekti fizik apo juridik vendas, nëse atij puna duhet t'i kryhet në vend të huaj.

Pagesat e honorarit dhe kompensimin e shpenzimeve për punën e avokatëve të vendit të huaj avokati mund të e aplikoj edhe në rast se përfaqësimin e bënë në botën e jashtme në formën e shkruar.

Neni 3.

Nëse avokati për subjekt juridik apo fizik është i angazhuar për përfaqësim apo mbrojtje dhe për kryerje e shërbimeve nga lëmi juridik në mënyrë të përhershme, me klientin e tillë mund të lidhë kontratë për përfaqësimin dhe shpërblimin në lartësi mujore paushalle.

Neni 4.

Pavarësisht dispozitave tjera të kësaj tarife, Avokati dhe Klienti ose personi i autorizuar mundë të kontraktojnë shpërblimin për shërbimet e Avokatit dhe shpenzimet shoqëruese me marrëveshje të lirë ndërmjet tyre.

Marrëveshja sipas paragrafit paraparak zbatohet në bazë të:

- a. Marrëveshjes – kontratës me shkrim ndërmjet Avokatit dhe Klientit ose personit të autorizuar, apo
- b. Faturës së lëshuar nga Avokati, të nënshkruar nga subjekti i autorizuar.

II. KOMPENSIMI I SHPENZIMEVE

Neni 5.

Për punën e kryer jashtë selisë së zyrës avokatit, avokatit i takon kompensimi për shpenzime të udhëtimit, kompensimi për shkak të mungesës në zyrë si dhe mëditja.

Avokatit i takon:

- a. për udhëtim në relacionet ndërrurbane, në lartësi të biletës së udhëtimit,
- b. për udhëtim në relacionet urbane, në lartësi të autotaksive,
- c. për përdorimin e automjetit personal në lartësi të 30 % të vlerës së karburantit më të shtrenjtë për 1 km. të kaluar,
- d. për mungesën nga zyra, avokatit i takon kompensimi në lartësi të shumës prej 25 % të kompensimit të paraparë me këtë tarifë.

Mëditja dhe shpenzimet e fjetjes, avokatit i pranohen në lartësi siç parashihet me dispozita ligjore për gjyqtarët e gjykatave themelore.

III. PAGESA

Neni 6.

Pagesat, në parim bëhen me para të gatshme ose përmes llogarisë bankare.

Avokatit, sipas marrëveshjes me palën, mund t'i bëhet pagesa edhe para kryerjes së punës. Avokati ka të drejtë që të kërkoj paradhëdhënie.

Avokati ka të drejtë që shumat e shpenzimeve nga neni paraparak i kësaj tarife t'i inkasojë që më parë.

Me kërkesë të palës, me rastin e pagesave, avokati është i detyruar që t'ia lëshojë dëftesën të specifikuar të shumave të inkasuara.

Neni 7.

Shpërblimi për punën e kryer përcaktohet sipas tarifës në fuqi apo asaj që ka qenë në fuqi në kohën kur është kryer puna. E drejta për të përcaktuar se cila tarifë do të aplikohet, ajo e kohës kur është kryer puna apo kur kryhet pagesa, i takon avokatit.

IV. SHPËRBLIMI PËR PUNËN E AVOKATIT

1. PROCEDURA PENALE

Mbrojtja e të pandehurit/akuzuarit

Numri tarifor 1.

Për mbrojtjen e të pandehurit/akuzuarit, për çdo ditë të asistimit në shqyrtimin fillestar dhe shqyrtimin e dytë, në shqyrtimin gjyqësor, asistimit në procedurën paraprake, seanca dëgjimore, procedurën përgatitore të të miturit, asistimi në shiqimin në vendin e ngjarjes, në rikonstruktive, ekspertime, vizitën në burg, azhurnimi i çështjes dhe në të gjitha veprimet të cilat zbatohen jashtë ndërtesës së policisë, prokurorisë apo gjykatës, avokatit i takon shpërblimi:

- për çështje penale nga kompetenca e Departamentit të përgjithshëm, shpërblimi në lartësi prej 120 €.

- për çështje penale nga kompetenca e Departamentit të krimeve të rënda, për vepra penale ku parashihet denimi deri në 10 vjet burgim, në lartësi prej 150 €.

- për çështje penale nga kompetenca e Departamentit të krimeve të rënda, për vepra penale ku parashihet denimi me mbi 10 vjet, në lartësi prej 200 €.

Për proceset e caktuara që nuk mbahen, përkatësisht të shtyra pa fajin e avokatit, avokatit i takon shpërblimi prej 50 % të shumave të lartcituara.

Përfaqësimi i të dëmtuarit

Numri tarifor 2.

Për përfaqësimin e të dëmtuarit, avokatit i takon shpërblimi i përcaktuar me numër tarifor 1 (një).

Përpilimi i parashtrësive penale

Numri tarifor 3.

Për përpilimin e kallëzimit penal, avokatit i takon shpërblimi sipas bazave fillestare të përcaktuara me nr. tarifor 1.

Për përpilimin e të gjitha parashtrësive të tjera në procedurën penale, avokatit i takon 50 % i shpërblimit të përcaktuar në paragrafin paraprak të këtij numri tarifor.

Mjetet juridike në çështje penale

Numri tarifor 4.

Për përpilimin e mjeteve juridike, avokatit i takon shpërblimi në lartësi të dyfishit të paraparë sipas nr. tarifor 1.

Numri tarifor 5.

Për përpilimin e anksës kundër aktvendimit për caktimin apo vazhdimin e paraburgimit apo kundër aktvendimit për refuzimin e kërkesës për rishikimin e procedurës, avokatit i takon shpërblimi në lartësi të numrit tarifor 1.

1. PROCEDURAT CIVILE E TË TJERA

Përpilimi i parashtresave

Numri tarifor 6.

Për përpilimin e parashtresave me të cilat iniciohet zhvillimi i procedurës civile apo cilës do procedurë para gjykatës apo organit tjetër, avokatit i takon shpërblimi sipas vlerës së çështjes juridike, si:

- për çështje juridike, vlera e të cilave nuk kalon shumën e kontestit të vlerës së vogël, shuma prej 60 euro;
- për çështje juridike vlera e të cilave e kalon shumën e kontestit të vlerës së vogël deri në vlerën prej 10.000 euro, shuma prej 80 euro;
- për çështje juridike vlera e të cilave është 10.000 euro e më lartë, shuma prej 160,00 euro;

Për përpilimin e përgjigjes në padi, prapësimit në aktvendim për lejimin e përmbarimit apo të masës së sigurisë apo masës së përkohshme dhe parashtresave të tjera të arsyetuara të cilat përbëjnë pretendime lidhur me faktet dhe ligjin, avokatit i takon shpërblimi si në alinenë 1. të këtij nr. tarifor.

Nëse më shumë kërkesa kumulativisht janë përfshirë në një padi apo propozim, avokatit i takon shpërblimi i plotë për parashtresën e përpiluar dhe rritja për 50 %.

Përfaqësimi në seanca për çështje civile dhe të tjera

Numri tarifor 7.

Për përfaqësim në seanca për çështje civile dhe të tjera avokatit i takon:

- për çdo seancë shpërblimi i përcaktuar si për parashtresa, siç është paraparë në numrin tarifor 6. për parashtresat inicuese,
- për çdo seancë të shtyrë, shuma prej 50 % të shpërblimit nga paragrafi paraprak e këtij numri tarifor.

Shpërblimi si në paragrafi 1. të këtij numri tarifor, avokatit i takon edhe për azhurnimin e çështjes, asistim me rastin e ekspertimit, shikimit në vendin e ngjarjes si dhe veprimet procedurale që ndërmerren jashtë ndërtesës së Gjykatës.

Për përpilimin e parashtrësave dhe perfaqësim në seanca për çështje civile të cilat i referohen arbitrazhes si dhe kontesteve me element të huaj, zbatohet rritje për 100% e numrit tarifor 6. dhe 7.

Përfaqësimet në procedurat e tjera

Numri tarifor 8.

Në çështjet e kontesteve ekonomike, biznesore, administrative, në çështjet administrativo-fiskale, doganore apo para bordeve përkatëse aplikohen shpërblimet në lartësitë e përcaktuara me nr. tarifor 6. dhe 7.

Për mbrojtjen e të pandehurit në procedurën disiplinore apo kundërvajtëse, avokatit i takon shpërblimi në shumën prej 60 €.

Mjetet juridike

Numri tarifor 9 .

Për përpilimin e mjeteve juridike, avokatit i takon shpërblimi i dyfishuar nga shpërblimi i paraparë për parashtrësat me të cilat iniciohet procedura (për padi, kërkesë, prapësim etj.).

Përfaqësimi i më shumë palëve

Numri tarifor 10.

Kur avokati përfaqëson dy apo më shumë palë ose nëse si palë kundërshtare ka më shumë persona, për përpilimin e të gjitha parashtrësive dhe për përfaqësimet në seanca gjyqësore, avokatit i takon shpërblimi i rritur për 50 % për palën e dytë dhe secilën të mëtejshme por jo më shumë se deri në trefishi i shumës së paraparë me këtë Rregullore.

1. PËRPILIMI I DOKUMENTEVE

Numri tarifor 11.

Për përpilimin e të gjitha dokumenteve për punët juridike të njëanshme apo të dy apo më shumë anëshme gjatë jetës apo për rastin e vdekjes, kontratave, ujdive, testamentit, legatit, avokati mund të aplikojë shpërblimin e paraparë me numrin tarifor 6. apo që shpërblimin t'a llogarisë në lartësi proporcionale me vlerën e tregut për pasurinë që është lëndë e punës juridike por më së shumti deri 1 % të asaj vlere.

Kur lëndë e çështjes juridike janë dhëniet e përkohshme apo të kohëpaskohshme, si qiraja, renta etj. vlera e tregut përcaktohet me mbledhjen e dhënieve të përkohshme prej 1 – 5 vite.

Për përpilimin e dokumenteve për punët juridike kur vlera nuk është e përcaktuar, avokatit i takon shpërblimi në lartësi të paraparë me numrin tarifor 6. pika 1. e kësaj tarife.

2. DISPOZITAT E PËRBASHKËTA

Këshillat me mendimet juridike

Numri tarifor 12.

Për këshillë juridike verbale dhe mendim, avokatit i takon 30 %, ndërsa në rastet më të komplikuar 50 % nga shpërblimi i paraparë me numrin tarifor 1. 2. dhe 8, të kësaj tarife.

Për këshillë apo mendim juridik të shkruar, avokatit i takon shpërblimi i paraparë me numrin tarifor 3 4. 6. dhe 9. te kësaj Rregulloreje.

Mbrojtja dhe përfaqësimi në shqyrtime, seanca e tjera

Numri tarifor 13.

Për mbrojtje dhe përfaqësim në shqyrtime, seanca, shqime në vend, ekspertime dhe që të gjitha veprimet që organi gjegjës i zbaton në ndërtesën ku organi ka selinë apo jashtë selisë së organit, avokatit i takon shpërblimi për çdo orë të filluar në lartësi prej 30 % nga tarifa bazë, duke llogaritur kohën nga momenti kur fillimi i veprimit në fjalë ka qenë i caktuar.

Avokati ka të drejtë në shpërblimin nga paragrafi paraprak i këtij numri tarifor edhe nëse asiston në mbledhje të organeve qeverisëse ke personat juridikë apo për takime me persona fizikë dhe juridikë kur diskutohet lidhur me çështje faktike dhe juridike.

Për konsultim me të pandehurin, të akuzuarin apo të gjykuarin, avokatit i takon shpërblimi në lartësi prej 50 % nga shpërblimi i përcaktuar me numrin tarifor 1. të kësaj Rregulloreje.

Shqyrtimi i shkresave

Numri tarifor 14.

Avokatit i takon shpërblimi:

- 1) për shqyrtimin e shkresave në lartësi prej 50 % të shpërblimit të paraparë me numrin tarifor 1. 7. dhe 8. të kësaj Rregulloreje.
- 2) për shikimin në librat katastrale dhe në librat e tjera publike, për nxjerrjen e ekstrakteve nga librat publike, për sigurimin e vërtetimit të plotfuqishmërisë dhe të përmbarushmerisë së vendimeve gjyqësore apo administrative, avokatit i takon shpërblimi në lartësi prej 50 % të përcaktuar me nr. tarifor 1., 2. 6. dhe 8. te kësaj Rregulloreje.

Shkresat dhe vërejtjet

Numri tarifor 15.

Për përpilimin e vërejtjeve apo të parashtrësive palës kundërshtare në procedurë me të cilat kërkohet përmbushja e ndonjë prestimi apo përmbajtja nga ndonjë veprim, në çështjet që janë me vlerë, avokatit i takon shpërblimi në lartësi prej 50 % nga shpërblimi nga pika 1. e numrit tarifor 7. të kësaj Rregulloreje.

Vlera paushalle për veprime sporadike

Numri tarifor 16.

Avokati ka të drejtë në inkasimin e shumës paushalle në lartësi prej 30 % nga shuma e përgjithshme e paraparë për veprimin përkatës të parapara me nr. tarifor bazë ndërsa për veprime nga nr. tarifor 11. aplikohet shuma proporcionale në përqindje.

Neni 8.

Kjo tarifë hyn në fuqi në ditën e miratimit nga Kuvendi i Odës së Avokatëve të Kosovës dhe zbatohet prej 01.01.2015.

Datë 20.12.2014

Kryetari i OAK
Ibrahim Dobruna

EKSTRAT TABELAR

nga Tarifa e avokatëve të Kosovës

Nr. tarifor 1. dhe 2. - Mbrojtja dhe përfaqësimi në çështjet penale:

Mbrojtja e të dyshuarit, të pandehurit dhe përfaqësimi i të dëmtuarit	Baza	30 % për çdo orë të filluar	Paushall i 30 %	Gjithsejtë:
Për veprë penale nga kompetenca e Departamentit të përgjithshëm të Gjykatës/Prokurorisë.	120,00 €	36,00 €	46,80 €	202,80 €
Për veprë penale nga kompetenca e Departamentit të për krime të rënda të Gjykatës/Prokurorisë për v.p. për të cilat parashihet dënimi deri në dhjet vjet burg	150,00 €	45,00 €	58,50 €	253,50 €
Për veprë penale për të cilat parashihet dënimi dhjet e më shumë vjet burg dhe krimet e rënda, neni 22 i KPPK	200,00 €	60,00 €	78,00 €	338,00 €

Nr. tarifor 3., 4. dhe 5. – Përpilimi i parashtrësive në procedurën penale:

Lloji i parashtrësive penale	Baza	P. 30 %	Gjithsejtë:
Përpilimi i kallëzimit penal, ankesës për caktim dhe vazhdim të paraburgimit, aktvendimit për refuzim të kërkesës për rishikim të procedurës.			
Për veprë penale nga kompetenca e Depart. të përgjithshëm të Gjykatës /Prokurorisë.	120,00 €	36,00 €	156,00 €
Për veprë penale nga kompetenca e Depart. të krimeve të rënda të Gjykatës /Prokurorisë, për v.p. për të cilat parashihet dënimi deri në dhjet vjet burg	150,00 €	45,00 €	195,00 €
Për veprë penale për të cilat parashihet dënimi dhjet e më shumë vjet burg dhe krimet e rënda – neni 22 i KPPK.	200,00 €	60,00 €	260,00 €

Nr. tarifor 6. – Përpilimi i parashtrësive në procedurën civile dhe procedurat tjera:

Lloji i parashtrësive	Vlera e çështjes	Baza	Klauz. për mb. 50 %	Paushalli 30 %	Gjithsejtë:
Padi – kërkesa	Kontest i vlerës së vogël	60,00 €		18,00 €	78,00 €
	Kontest me vlerë mbi kontestin e vlerës së vogël e deri në 10.000 €	80,00 €		24,00 €	104,00 €
	Kontesti me vlerë prej 10.000 € e më lartë	160,00 €		48,00 €	208,00 €
Përmbarrim në bazë të titullit përmbarrimor me vlerë deri në lartësinë e kontestit të vlerës së vogël	60,00 €	30,00 €	27,00 €	117,00 €	
Përmbarrim në bazë të titullit përmbarrimor me vlerë mbi lartësinë e kontestit të vlerës së vogël	80,00 €	40,00 €	36,00 €	156,00 €	
Përmbarrim në bazë të titullit përmbarrimor me vlerë 10.000, € e më lartë.	160,00 €	80,00 €	72,00 €	312,00 €	
Përmbarrim në bazë të dokumentit të besueshëm me vlerë deri në lartësinë e kontestit të vlerës së vogël	60,00 €		18,00 €	78,00 €	
	80,00 €		24,00 €	104,00 €	
	160,00 €		48,00 €	208,00 €	

Nr. tarifor 7. – Përfaqësimi në seancat për çështje civile dhe të tjera:

Lloji i çështjes juridike dhe vlera	baza	30 % ora	Paush 30 %	Gjithsejtë:
Përfaqësimi në konteste të vlerës së vogël	60,00 €	18,00 €	23,40 €	101,40 €
Përfaqësimi në konteste që vlera e kontestit kalon vlerën e kontestit të vogël e deri në 10.000 €	80,00 €	24,00 €	31,20 €	135,20 €
Përfaqësimi në kontestet me vlerë mbi 10.000 € e më lartë.	160,00 €	48,00 €	62,40 €	270,40 €

Shpërblimet tjera:

1. Për përfaqësim të palës dytë, etj. shpërblimi rritet për nga 50 % për secilën palë, por me së shumti deri 300 % i kësaj tarife, - nr. tarifor 10.
2. Për përpilimin e parashtrësave dhe përfaqësim në seanca për çështje civile te arbitrazhes si dhe kontesteve me element te huaj, zbatohet rritje per 100% e numrit tarifor 6 dhe 7.
3. Në bazë të nenit 4. të TA avokati me klientin e tij mundet që të kontraktoj shpërblimin për punën e tij sipas marrëveshjes së lirë me klientin.
4. Për veprimet e avokatit në procedurën kundërvajtëse apo disiplinore, shpërblimi llogaritet analogjikisht si për veprimet me bazë tarifore prej 60 €.
5. Për përpilimin e kontratave, ujdive, testamentit avokatit i takon shpërblimi sipas nr. tarifor 6. apo deri në 1 % të vlerës së tregut të pasurisë që është objekt i punës juridike përkatëse - nr. tar. 11.
6. Për azhurnim në çështje penale aplikohet nr. tar. 1. dhe në çështje civile nr. tar. 7.

Kjo tarifë është në fuqi nga data 1. janar 2015

Prishtinë, 20.12.2014

Kryetari i OAK
Ibrahim Dobruna